

KILAAKNA LAIBU THEIHSIAMNA DIA POIMOH TAHBI SAGIHE

TAHBI KHATNA: CHIAMTEHNA ZANG A GELH AHI

- **1:1** “Jesu Khri’s kilaakna, Pasion in a sikhate’ kiang a lah/etsak diing a amah(John) a piak; thil hong ompah mahmah diingte. Huan Ama’n a sikha Johan kiang ah A angel sawl in **CHIAMTEHNA IN A THEISAK**”

- Kilaakna laibu pen Thukhun Thak laibu dangte toh kibanglou in **CHIAMTEHNA** tuamtuamte zang a gelh ahi.

- **MEIVAK KOIHNA SAGIHE (1:12-13)**

- **VAAN A LALTUTPHAH LEH UPA 24-TE (4:1-11)**

- **PENKUL SAGIHE (8-11)**

- **NUMEI & DRAGON (12)**

- **GAMSA KHATNA (13:1-10)**

- **GAMSA NIHNA (13: 11-18)**

- **KUANGKUM SAGIHE (15-16)**

- **KIJUAKNU THUPI & GAMSA (17)**

- **SAKOL KAANG LEH A TUNG A TUANGPA (19:11-16)**

- **DRAGON/SATAN HENCHIPNA (20:1-3)**

- **JERUSALEM THAK (21-22)**

- **NAMBAR CHI TUAMTUAMTE**

- **7 (SAGIH):** (Kilaakna laibu sung ah 54 vei zat in om)

- Meivak koihna SAGIHE

- Gaakna(seals) SAGIHE

- Pengkul SAGIHE

- Belhbu SAGIHE

- Bukimna (Completeness/fullness/perfection) genna dia zat in om tangpi hi

➤ **10 (SAWM):**

- Hiai leng bukimna genna dia zat mah ahi

➤ **NAMBAR CHI TUAMTUAMTE**

➤ **12 (SAWM-LE-NIH):**

- Pasion' mite genna dia zat ahi
- Nungzui 12te, Israel nam 12te, Jerusalem thak kong 12.
- $12+12= 24$ (Upa 24-te)
- $12 \times 12= 144 \times 1000= 144000$ (Hotdam tate genna dia zat)

➤ **1000 (Sang):**

- Tamdan, hun saudan genna dia zat ahi.

➤ **TAHBI KHATNA:
CHIAMTEHNA ZANG A GELH AHI**

- Kilaakna laibu pen chiamtehna (symbols or figurative language) zang a gelh ahihdan theihshiam louhna in Kilaakna laibu THEIHKHELHNA hon tun hi.
- Kilaakna laibu pen Jesu'n CHIAMTEHNA zang a a theihshak laibu ahi.

KILAAKNA LAIBU THEIHSIAMNA DIA POIMOH TAHBI SAGIhte

TAHBI NIHNA: A TUNGPah MAHMAH DIING THILTE AHI UH

- **1:1** “Jesu Khris’ kilaakna, Pasion in a sikhate’ kiang a lah/etsak diing a amah(John) a piak; **THIL HONG OMPAH MAHMAH DIINGTE**. Huan Ama’n a sikha Johan kiang ah A angel sawl in chiamtehna in a theisak”
- **1:3** “Hiai genkholhna thute sim a, hiai genkholhna thute ja a, huai a thil kigelhte juite a hampa uh, **A HUN A NAITA NGAL A**”

➤ TAHBI NIHNA: A TUNGPah MAHMAH DIING THILTE AHI UH

- **22:6** “Huan Ama’n a kiang ah, hiai thute a muanhuai un a dik uhi. Huan jawlnei siangthoute’ Toupa Pasion in **THIL HONG OMPAH MAHMAH DIINGTE** a sikhate kiang a musak diing in a angel a sawlta hi”
- **22:10** “Huan Ama’n tuh ka kiang ah, hiai laibu a genkholhna thute bilhkhumta ke’n **A HUN A NAITAK ZIAK IN...**”

➤ TAHBI NIHNA: A TUNGPah MAHMAH DIING THILTE AHI UH

- AD 95 vel a kipan a tungpah mahmah diing thilte gelh ahi uh.
- Tunitan a tung nailou himawk leh huai hun a om mite’n HAMPHATPIH khalou diing uhi.
- Himahleh huai hun a om mite’n a HAMPHATPIH DIING ua kigelh genkholhna thute ahi uh.

➤ TAHBI NIHNA: A TUNGPah MAHMAH DIING THILTE AHI UH

- Kilaakna laibu pen Asia Minor a om saptuam sagihte’ kiang a khak/gelh ahi uh.
- Huai omzia bel A CHIIL A MUTU dia ngiim a omte (Original Recipients) pen a tung a I gen saptuam sagihte ahi uh.
- Huai saptuam sagihte hun a kipan sawtlou nung a tungpah diing thilte ahihiak in “**bilhkhumta ke’n**” chia thupiak in a om

➤ SAPTUAM SAGIhte



Huai ziaK in Kilaakna laibu theihSIAMNA DIA POIMOH mahmah TAHBI NIHNA bel Kilaakna laibu sung a kigelh thute **A TUNGPah MAHMAH DIING THILTE** ahi uh.

KILAKNA THEIHSIAMNA DIA POIMOH

TAHBI THUMNA:

GIMTHUAKNA THUPI A NA TUAK LELLEL KHRISTIANTE KHAMUANNA DIA GELH AHI

- Kilaakna laibu pen **gimthiakna laibu** chih in zong om
- Laigelhtu khat in “Kilaakna laibu laipek teng ah khristiante’ sisan baang hi” chi hial hi.
- Huaibel Kilaakna laibu sung na pheenkakna mun khempeuh ah khristiante sawina toh kisai na simkha diing chihna ahi.

➤ TAHBI THUMNA:

GIMTHUAKNA THUPI A NA TUAK LELLEL KHRISTIANTE KHAMUANNA DIA GELH AHI

- **1:9** “*Kei Johan, Jesu a om gimthiakna leh lalgam leh kuhkalna a na unau uh leh na tanpihpa uh, Pasion leh Jesu tungtang thu ah tuikulh gam Patmos kichi ah ka om...*”
- **2&3** Bung nihna leh Bung thumna ah saptuam sagihte’ kiang a laikhak i sim a, saptuam sagihte’ lak ah saptuam ngate’ kiang ah **gimthiakna/gelgawtna** thu gen in a om hi.

➤ TAHBI THUMNA:

GIMTHUAKNA THUPI A NA TUAK LELLEL KHRISTIANTE KHAMUANNA DIA GELH AHI

- **6:9-11** “*Huan chiamtehna ngana a phel lai in PASIAN THU ZIAK LEH A ZUIH UH THIEHSAKNA ZIAK A AMAU THAH A OMTE maitam nuai ah ka muta a, huan amau tuh aw ngaihtak a kikou in, Toupa tungnungpen aw, siangthou leh dik, bangtan ka sisan man uh amau lei tung a tengte tung a thuklou leh vaihawmlou a om diing na hia? a chi ua, huan amau kiang ah puan ngou thupi piak in a om chiat uh. Huan amau a sikha hihpihte uleh a unaute uh, AMAU BANG A THAH A OM DIINGTE a hong kim mateng un na khawl tadih un chia hilh in a om uh*”

➤ TAHBI THUMNA:

GIMTHUAKNA THUPI A NA TUAK LELLEL KHRISTIANTE KHAMUANNA DIA GELH AHI

- **7:14** “*Gimthiakna thupi a kipan hong pai mite*”
- **Bung 11** *Theihpihtu ginom nihte’ sihna*
- **Bung 12** Jesu theihpihna pemite gawtna dia *Dragon San panlakdan*.
- **Bung 13:7** Gamsa khatna in misiangthoute a kidoupih
- **bung 13:15** Gamsa khatna’ lim belou mite peuhmah **gamsa nihna** in a hihlum

➤ TAHBI THUMNA:

GIMTHUAKNA THUPI A NA TUAK LELLEL KHRISTIANTE KHAMUANNA DIA GELH AHI

- **Bung 17:6** *Kijuaknu Thupi in mi siangthoute’ sisan a suah thu.*
- **Bung 18:24** *Babylon khopi ah khristiante’ sisan* muh in a om
- **Bung 20:4** Jesu theihpihna ziak a ngawngtan a omte’n Khris toh vai a hawm uh.
- Tomkim a gen in, gimthiakna thupitak ana thuak lellel khristiante khamuanna diing a kigelh laibu ahi
- Huaiziak in, Kilaakna laibu theihsiamna diing a poimoh mahmah **TAHBI THUMNA** bel kumzabi khatna tawpkuanlam a kipan a **GIMTHUAKNA THUPI ANA TUAK LELLEL KHRISTIANTE KHAMUANNA DIA GELH AHI.**

KILAAKNA LAIBU THEIHSIAMNA DIA POIMOH TAHBI LINA

TAHBI LINA:
KILAAKNA LAIBU IN
DRAGON
LEH
GAMSA NIHTE
A HILHCHIAN

➤ **DRAGON SAN (KIL. 12)**

➤ **DRAGON SAN (KIL. 12)**

- Kilaakna 12na a kipan in Dragon San tungtang I simkha uhi.
- Lu Sagih leh Ki Sawm a nei (12:3)
- A Lu ah Lallukhu Sagih a nei (12:3)
- A Mei (tail) in aksi mun thum a khen mun khat a kaikhia (12:4)

➤ **DRAGON SAN (KIL. 12)**

- A tung a kigen Dragon' hihnate a kipan in hiai bangte muhtheih in a om;
- Rong San leh Lallukhute'n thuneihna thupitak a ensak.
- Aksi mun thum a khen mun khat kaikhia aihna in mi thuzohthei tak ahihdan hon musak.
- Huaiziak in hiai Dragon bel thuneihna thupitak tawikawm a mi tampitak thuzoh thei ahihdan I muthei.

➤ **DRAGON SAN' NNASEP**

- Numei Ni a kijem, a khenuai a khapi om, naunei dia kisa lai, huai numei' ma a ding in nau a neihzoh phet chiang a nekkhit sawm in a pang (12:4)
- Vaan ah kidouna a om a, Mikael leh a heute'n Dragon a dou ua, Dragon leh a angelte vaan a kipan paihkhia in a om uh (12:7)
- Tapa neikhia huai numeinu a gawtta a himahleh Pasian in numeinu a humbit ziak in a hih chimit zoutakei (12:13-16)

➤ **DRAGON SAN' NNASEP**

- Dragon bel numei tung ah a heh mahmah a, a suan dangte leh Pasion' thupiak zuite kidoupih diing in a paimangta (12:17).
- Gamsa Khatna' kiang ah thuneihna a pia (13:4)
- Mi siangthoute kidoupih diing in gamsa khatna kiang ah phalna a pia (13:7)
- Huai Dragon bel kum sang hun sung hen in a om a kokhuk tawbei ah khiak in a om (20:2)
- A tawp in mei leh kat a kang meidiil ah paih in a om (20:10)
- **DRAGON SAN...?**
- Hiai tan I etna ah Dragon kua hi diing ahia?
- Kil. 12:9 "Huan **Dragon** lian, gulpi tek **DIABOL LEH SETAN CHIH A OMPA**, khovel pumpi khempa..."
- Kil 20:2 "Huan aman tuh **Dragon**, gulpi tek, huai **DIABOL LEH SETAN** a manta a kum sang hun sung amah a henta hi..."
- Huaiziak in **DRAGON** tuh **SATAN/DIABOL** ahi.
- **GAMSA KHATNA (KIL. 13)**
- Kilakna laibu mun NIH ah DRAGON pen SATAN ahihdan chiangtak in I mu.
- Bung 12 a Dragon tungtang a genzoh phet in bung 13 ah GAMSA NIH tanchin a hon gen leuleu hi.
- Huai GAMSATE bang/kua hi uhiam chih theihtelna pen Kilaakna laibu theihiamna diing in poimoh mahmah nawn hi.
- Dragon bel Satan ahi chi a kigen bang in chiangtak in kigenkei mahleh huai GAMSATE theihtel theihna a om hi.
- **GAMSA KHATNA (KIL. 13)**
- Bung 12 tang tawpna pen ah Pasion' mite kidoupih diing a DRAGON a paimang thu I sim hi.
- 13:1 ah GAMSA LAUHUI mahmah a muh thu John in a gen zom hi.
- 13:2 ah DRAGON in huai GAMSA' kiang ah thuneihna a pia.
- Bung 13:7 ah huai GAMSA in "**mi siangthoute a kidoupih thu**" I sim nawn hi.
- Huaiziak in huai GAMSA KHATNA bel SATAN in a tunding ahi a SATAN toh pangkhawm ahi uh chih chiangtak in I muthei hi.
- **GAMSA KHATNA (KIL. 13)**
- **GAMSA KHATNA' HIHNATE**
- Lu SAGIH leh Ki SAWM nei.
- A KI tung ah LALLUKHU a om chiat
- GIALBEM toh kibang
- A khe VOMPI' khe toh kibang
- A kam HUMPI NELKAI' kam toh kibang chih ahi.

- Hiaite a kipan in huai GAMSAS KATNA bel GIALBEM, VOMPI leh HUMPI kigawmkhawm a bawl ahi chih I muthei.
- Hiai gamsate'n kintak in DANIAL bung 7na hon ngaihsun sak pah hi.
- **GAMSAS KATNA**
- DANIAL 7 ah gamsa tuamtuam li (4) gen in a om.
- Huaite bel - HUMPI, VOMPI, GIALBEM leh GAMSAS CHIZAUHUAI ahi uh.
- Huai GAMSAS LITE bel LEITUNG A LALGAMTE genna ahi chih I muthei nawn.
- GAMSAS 1 = HUMPI = BABYLON (7:4, 17; 2:38)
- GAMSAS 2 = VOMPI = MEDE-PERSIA (7:5, 17; 2:39; 5:30)
- GAMSAS 3 = GIALBEM = GRIK (7:6, 17; 2:38; 8:20-21)
- GAMSAS 4 = CHIZAUHUAI = ROMAN (7:7, 23; 2:40) Hiai gamsa 4na leh Kilakna laibu a GAMSAS KATNA a kibang hi.
- DANIAL & KILAAKNA BUKKAKNA
- **DANIAL 7:7,19-28 (GAMSAS LINA)**
- KI SAWM NEI
- KI-OTSAKNA THU GEN
- MI SIANGTHOUTE TOH KIDOU
- HUN, HUNTE LEH HUN KIMKHAT = $1+2+\frac{1}{2}$ = Kum $3\frac{1}{2}$ = Kha 42 sung thuneihna piak a om
- Huai kumpite hunsung ngei a Vaan Lalgam phuhkhiak a om
- **KILAAKNA 13:1-10 (GAMSAS KATNA)**
- KI SAWM NEI
- PASIAN GENSIA
- MI SIANGTHOUTE TOH KIDOU
- KHA 42 SUNG THUNEIHNA PIAK A OM
- Vaan Lalgam a om mite hih genthei

- **GAMSAS KATNA**
- Danial laibu a GAMSAS LITE'N khovel a LALGAM LITE a gen (7:17)
- Babylon, Medo-Persia, Grik leh Roman Lalgamte ahi uh
- Danial Laibu a GAMSAS LINA bel leitung a LALGAM LINA ahi (7:23)
- Leitung a LALGAM LINA bel ROMAN LALGAM ahi.
- Leitung a LALGAM LITE pen LALGAM tuamtuam himahle uh GAMUK (territory) kibang ahi uh
- **GAMSAS KATNA**

- Huaiziak in DANIAL laibu a LALGAM masa thumte genna dia kizang HUMPI, VOMPI, leh GIALBEM zang in KILAAKNA laibu a GAMSAS KATNA bawl in a om.
- Hiaite tengteng a kipan in KILAAKNA laibu a GAMSAS KATNA leh DANIAL laibu a GAMSAS LINA kibang ahihdan uh I muthei.

➤ **GAMSAS KATNA**

- 13: 6-7 sung ah hiai Gamsa Khatna toh kisai hibang in I muh behlap hi:
- Pasion a gensia (blasphemes)
- Misiangthoute a kidoupih.
- Chichih, namchih leh pauchihte' tung ah vai a hawm
- Leitung a teeng mite'n huai GAMSAS a bia uh.

➤ **GAMSAS KATNA**

- 17:9-10 in hiai GAMSAS KATNA toh kisai hiai bang in a gen behlap hi:
- Lu sagihte pen kumpi sagihte genna ahi uh.
- Kumpi sagihte' lak ah ngate a omkhinta ua, KILAAKNA LAIBU gelh hunlaitak in khat in vai a hawm lallel a a dang khat pen hong laltou lai diing.
- Huai lu sagihte'n kumpi sagihte a gen ban ah, taang sagihte (seven hills) a gen.

➤ **GAMSAS KATNA**

- 13:6-7 leh 17:9-10 a GAMSAS KATNA toh kisai I muhte a kipan hiaibang I muthei hi;
- Khovel pumpi' tung a vaihawm lalgam khat ahi.
- Leitung a teng mite'n huai lalgam a kumpite a bia (worship) uh.
- Huai kumpite'n Pasion a gensia ua, khristiante a sawi uh.
- Huai kumpite' lak a khat in Kilaakna laibu gelh ahih lai in vai a hawm lallel.
- Huai kumpite tuh tangsang sagihte' tung a tu in khovel pumpi tung ah vai a hawm uh

➤ **GAMSAS KATNA**

- Kumzabi khatna tawpkuan lam a KILAAKNA LAIBU GELH HUNLAI A khosa bang in kingaihtuah kawm in a tung a bite (clues) ngaihsun mah dih.
- Rome kumpite'n vai a hawm lallel uh
- Rome khopi tuh tangsang sagihte' tung a kiphah khopi ahi.
- Rome kumpite'n Pasion a gensia ua, mulkimhuaitak in khristiante a sawi uh.

➤ **GAMSA KHATNA**

- Huaiziak in a tung a I gensa thute tengteng a kipan in, HAIH VUALLOUH IN...
- GAMSA KHATNA in a gennop bel ROME LALGAM ahi.
- Huaiziak in GAMSA KHATNA toh kisai I simkhak teng in ROME LALGAM ahi a gennop chih I theithehi hi.

➤ **GAMSA NIHNA**

- Bung 13na I simsuk zel leh DRAGON (Satan) in GAMSA DANG khat leng a hon kaisuah hi.
- Gamsa masapen toh I theikhken theihna diing in GAMSA NIHNA chi'n I minvuah diing.
- Huai GAMSA NIHNA tuh GAMSA KHATNA toh a hong omtan ua (Kil. 13), GAMSA KHATNA mah toh a puuk khawm uhi (Kil. 19)
- Huai GAMSA TEGEL bel DRAGON (Satan) in a tunkhiak ahi uh.
- GAMSA NIHNA kitel zawsem in I en diing.

➤ **GAMSA NIHNA**

➤ **GAMSA NIHNA' HIHNATE**

- Belamnou bang in KI NIH a nei (13:11)
- DRAGON bang in thu a gen (13:11)
- GAMSA KHATNA' (Rome Kumpite') thuneihna zang in nna a seem (13:12)
- Leitung a teeng mite GAMSA KHATNA' (Rome Kumpite') lim be di'n thu a pia (13:12-14)
- GAMSA' lim be nuamloute ENSAN (economic sanction) diing in thu a pia (13:17)
- Phetlou in GAMSA' LIM beloute a hihlum zel (13:15)

➤ **GAMSA NIHNA' HIHNATE**

- Huai GAMSA NIHNA bel zawlnei taklou chih in leng a om (19:20; 20:10)
- GAMSA KHATNA toh mat in a omkhawm ua, a hing in meidiil a paihlut in a om uh (19:20)
- DIABOL ngei leng GAMSA KHATNA (Rome Lalgam) toh GAMSA NIHNA toh mei leh kat a kang diil ah paihlut in a om uh (20:10)
- Ahihlehi hiai GAMSA NIHNA kua hita diing ahia...?

➤ **GAMSA NIHNA**

- Rome Kumpite' lak ah AD 81-96 sung vel in Kumpi DOMITIAN lallai in ROME KUMPITE BIAKNA (Emperor Worship) a uang mahmah hi.
- Sahkhua thak, ROME KUMPITE biakna phuhsuah in a om a, Rome Kumpite' lak ah a diak in VESPA-

SIAN, TITUS leh DOMITIAN-te lim (images) tunkhiak a om in huaite min in temple lianpipi lam in a om hi.

➤ Huai sahkxaw thak sinsaktute pen Rome Kumpi in thuneihna sangtak a pia uh.

➤ **GAMSA NIHNA**

➤ Rome lalgam a om mite khempeuh “KAISAR TOUPA AHI” chi a pom diing leh puangsuah (confess) diing in thusinsakna a nei uh.

➤ Kaisar Toupa ahi chi a pom nuamlou khristiante nek-le-tak, sum-le-pai zonna ah enkhe di’n thu a pia ua, huchibang mite a hihlum zel uh.

➤ Huaiziak in Kilaakna laibu gelh ahihlai a omkha mite a diing in GAMSA NIHNA kua hihiam chih theih-tel a haksa hetkei diing.

➤ Huai GAMSA NIHNA bel Rome Kumpite thuneihna zang a Rome Kumpite’ lim bedia puangkha leh nnaseem JAWLNEI TAKLOUTE ahi uh.

KILAAKNA LAIBU THEHSIAMNA DIA POIMOH TAHBI NGANA

TAHBI NGANA: KILAAKNA LAIBU IN KIJUAJNU THUPI A HON HILHCHIAN

➤ KIJUAJNU THUPI(KIL. 17)

➤ KIJUAJNU THUPI(KIL. 17)

- Kilaakna 17, 18 & 19 ah KIJUAJNU THUPI' tungtang I mu uhi.
- Tui tampite tung a tu Kijuaknu thupi (17:1)
- Lu sagih leh kisawm nei, Pasion gensiatna toh kidim GAMSAN' tung ah a tu (17:3)
- Puan sandup leh sandaang in a kivan/kichei a, dangka-eng nou, kihhuaina a dim a tawi (17:4)
- A tal ah BABYLON THUPI chih min a kigelh (17:5)
- Leitung kumpipate toh a kingai uh (17:2)
- Mi siangthoute leh, martarte' sisan dawnkham in a om (17:6)

➤ KIJUAJNU THUPI(KIL. 17)

- Kijuaknu Thupi' tungtang thuguk hilhchetna I mu (17:7-18)
- "Kijuaknu' tutna tui na muhte mipite leh namte leh paute ahi uh" (17:15)
- "Lu sagihte bel Numei' tutna tangsang sagihte ahi uh..." (17:9)
- Gamsa bel ROME KUMPITE ahi uh chih TAHBI LINA ah I sin zouta uh
- "Huan na Numei muh tuh KHOPI THUPI, Leitung kumpipate tung a vaihawmnu ahi

➤ KIJUAJNU THUPI(KIL. 17)

- A tung a thute a kipan in hiaite kichiantak in I muthei hi;
- NUMEINU/KIJUAJNU bel KHOPI THUPI tak ahi.
- Huai KHOPI bel tangsang sagihte tung a kiphah ahi.
- Huai NUMEINU/KIJUAJNU bel GAMSAN/ROME KUMPITE' tung ah a tu.
- Huai KIJUAJNU/KHOPI ah Misiangthoute' sisan nakpitak in a luang
- Huai KIJUAJNU/KHOPI bel BABYLON THUPI chih in a om.

➤ KIJUAJNU THUPI(KIL. 17)

- Kumzabi khatna bei kuanlam a omkha khristiante leh huai hunlai khovel a nungta bang in kingaihsun mah ni.

- Tangsang sagihte tung a kiphah khopi, kumpipate' tung a thunei koi khopi dang hilou in ROME KHOPI ahi.
- Mi siangthoute' tualluang lupna leh sisan suah a omna khopi koi khopi dang hilou in ROME KHOPI ahi.
- ROME KHOPI ah KOLOSEUM mawltual a om a, huai ah "KAISAR TOUPA AHI" chi nuamlou khristiante, humpi toh kisualsak in a om ua, a sisan luangte uh mipite'n etnop kisukhalhna diing in a zang uh.
- GAMSА/ROME KUMPITE toh kichimat khopi thupi bel koi khopi dang hilou in ROME KHOPI ahi.
- Nidanglai hun a BABYLON khopi bang in KUMPI VAIHAWMTE' thuneihna munpi (Capital City) bel ROME KHOPI ahi.

- Huai ziaк in Kilaakna laibu theihiamna dia poimoh mahmah TAHBI NGANA bel
KIJUAKNU THUPI
= ROME KHOPI

KILAAKNA LAIBU THEHSIAMNA DIA POIMOH TAHBI GUKNA

TAHBI GUKNA: KILAAKNA LAIBU IN NI 1260 TUNGTANG A HON HILHCHIAN

➤ NI 1260 (KIL. 11, 12 & 13)

- Kilaakna bung 11, 12 & 13 kikal ah hun chituambik khat, gendan tuamtuan a kigen MUN NGA AH KIMU HI.
- Huai hun bel :-
- NI 1260 (1260 DAYS) = NIHVEI a kigen
- KHA 42 (42 MONTHS) = NIHVEI a kigen
- KUM 3 ½ (3 ½ YEARS) = KHATVEI a kigen

➤ NI 1260 (KIL. 11, 12 & 13)

- Gendan tuamtuan a gen in om mah leh hiai hunte bel HUNSEH KHAT genna ahihdan I muthei.
- A ziak bel :-
- 1260 days/30 days (One month) = 42 months
- 42 months/12 months (One year) = 3 ½ years
- Huaiziak in NI 1260 = KHA 42 = KUM 3 ½
- Gendan tuamtuan in kigen mahleh hiai hunbi in hunseh kibang genuam ahi chih I theithei.

➤ NI 1260 (KIL. 11, 12 & 13)

- Huai hunseh in bang hun gen nuam hi diing ahia?
- Bung 11:2 ah Gentelte'n **KHA 42** sung Khopi Siangthou a siikden diing thu uh I mu.
- Bung 11:3 & 7 ah Pasion' palai nihte'n Pasion theihpihna thu **NI 1260** sung gen diing uh ahih dan leh, huai hun tawp kuan a Gamsa (Rome Kumpite') khopi a hihlup a om diing uh ahihdan I mu nawn.

➤ NI 1260 (KIL. 11, 12 & 13)

- Bung 12:6 ah Pasion a dia manpha mahmah NUMEI khat satan khut a pan **NI 1260 SUNG** humbit leh etkol a om ahihdan I mu nawn.
- Bung 12:13 ah a tung a kigen NUMEI kiang ah muvanlai kha piak in a om a, satan a kipan humbit a a om theihna diing in **HUN, HUNTE & HUN KIMKHAT (1+2+ ½ = 3 ½)** sung gamdai ah lenlut sak in a om.
- Bung 13:5-7 ah GAMSNA KHATNA (Rome Kumpite) kiang'h thuneihna piak in a om a **KHA 42 SUNG** teng mi siangthoute a kidoupih.

➤ **NI 1260 (KIL. 11, 12 & 13)**

- A tung a I gente a kipan baihlamtak leh Chiangtak a I muhtheih bel hiai ahi.
- Huai hunseh pen NI (days) hiam, KHA (months) hiam, KUM (years) hiam a a tuamtuam a gen in om mahleh HUI HUN BEL SATAN (DRAGON) LEH A KAIHZATAM ROME KUMPITE'N (GAMSATE), PASIAN IN A DEIHTHOH MAHMAH A SAPTUAM/MI SIANGTHOUTE' MULKIMHUITAK A A GELGAWTNA HUN SUNG UH GENNA AHI.
- Kovel khangthu ah Rome Kumpite'n AD 90 vel a kipan AD 300 vel tan nakpitak in khristiante ana sawi uh chih I mu hi.

Huai ziak in Kilaakna laibu theihciamna dia poimoh mahmah TAHBI GUKNA bel
NI 1260 SUNG PEN
SATAN IN ROME KUMPITE
ZANG A
MI SIANGTHOUTE NAKPITAK A A GELGAWT HUN SUNG
GENNA AHI

KILAAKNA LAIBU THEIHSIAMNA DIA POIMOH TAHBI SAGIHNA

TAHBI SAGIHNA: KILAAKNA LAIBU IN LALGAM TUNGTANG A HON HILHCHIAN

➤ LALGAM (KINGDOM)

- Tampite'n Kilaakna laibu a lalgam kigen pen tununglam Chiang a Jesu in a hon phuhkhiak diing LALGAM KHAT bang a ngaihsutna a nei uhi.
- Himahleh Kilaakna laibu in bang gen hiam chih I telsuut diing:-
- **Bung 1:6** ah John leh misiangthoute Khrih in "*Lalgam leh Siampu*" hi dia a na **BAWLTA** ahiah dan I mu.
- Huaiziak in, Kilaakna laibu gelh hunlai in **LALGAM** pen **OM KHINTA** leh huai lalgam a omte SIAMPUTE ahiah dan uh I muthei hi.

➤ LALGAM (KINGDOM)

- **Bung 3:9** ah John leh mi siangthoute pen **LALGAM A OM** uh ahiah dan I sim nawn hi.
- **Bung 5:9,10** ah namchih, chichih leh pauchihte apan mite Jesu'n a sisan a ana leita ahiah dan leh am-aute pen **LALGAM** leh siampu hidia ana **BAWLTA** ahiah dan I mu thei hi.
- Bung 1na a I muh mah bang in LALGAM pen om khinta ahiah dan leh huai LALGAM a mite pen SIAMPUTE ahiah dan uh I simkha nawn hi.

➤ LALGAM (KINGDOM)

- Huaiziak in Khrih in a LALGAM pen tungkhe nailou hilou in Kilaakna laibu gelh ahiah dan a A NA TUNGKHE KHINTA ahiah dan I muthei hi.
- KHRIS LALGAM a mite pen SIAMPUTE chi a gen a a omna a kipan in KHRIS LALGAM bel khovel lalgamte toh kibanglou a KHALAM LALGAM ahiah dan zawk dan Chiangtak in I muthei hi.
- Tampite'n KHOVEL LALGAM toh kibang dia ngaihsutna a neih ziaak un KHRIS LALGAM pen tung nailou bang a ngaihsutna na nei uh hizaw hi.

➤ LALGAM (KINGDOM)

- John 18:33-36 ah Pilat in "Kumpi na hi maw?" chi a Jesu a dotlai a a dawnna "Ka lalgam bel khovel a

kipan ahikei” a chih toh kizawitawn mahmah hi.

- Huaikia hilou in Danial 2 a khovel lalgam lite leh Khris Lalgam toh kisai mengmuhna ah leng Khovel lalgam lite pen SIIK chi (Gold, Silver, Bronze & Iron) bang a muh in a om a, himahleh KHRIS LALGAM bel “**Suang khut a seklouh**” chih in om se hi.
- Danial 7 ah khovel lalgam lite gamsa chi (Lion, Bear, Leopard, &Terrible Beast) bang a muh in om a KHRIS LALGAM bel **Laltutphah** bang a muh In a om.

➤ **LALGAM (KINGDOM)**

- Huaiziak in Kilaakna laibu a kigen KHRIS LALGAM bel **khovel lalgam** toh kibanglou in **KHALAM LALGAM** ana hihzawk dan I theithehi hi.
- Kia thamlou in A TUNG NAILOU hilou in **ANA TUNG KHINTA leh a OM LELLEL LALGAM AHI.**
- **Rome Kumpite’** hunsung a hong kitungkhe diing chi a genkholh ahih dungzui in, KHRIS LALGAM pen tunkhiak in a omta a, Kilaakna laibu gelh ahihlai in a ding lellel hi.

Huai ziak in Kilaakna laibu theihiamna dia poimoh mahmah TAHBI SAGIHNA bel

**KHRIS LALGAM
PEN KHOVEL LALGAMTE BANGLOU IN
KHALAM LALGAM AHI A
KILAAKNA LAIBU GELH AHIHLAI IN
A NA OMKHINTA LEH OM LELLEL LALGAM AHI**